

EW NAMOPUNG

A ekkesiwini Annukun Chuuk No. 5-32, non an a piin ekkesiwin me ren Annukun Chuuk No. 5-60, ewe State Judiciary Act of 1982, me pwan ren ekkoch popun.


Epwe pung me ren ewe Legislature-un Chuuk.

Tetten 1. Ekkesiwin. Tetten 13 me non ewe Annukun Chuuk No. 5-32, ewe State Judiciary Act of 1982, non an a piin ekkesiwin me ren Annukun Chuuk No. 5-60, iei a pwan ekkesiwin ngeni ei ititin:

"Tetten 13. An State Court Justices Qualifications me Tufich. Ioon aramas a finita ngeni ewe wiis Chief Justice ika Associate Justice non ewe State Court epwe i citizenin Federated States of Micronesia, me pwan emon re-Chuuk seni an uputiw, epwe ier 35, a pwan piin emon resident-in Chuuk non ukukun 25 ier, pwan choounoon 5 ier me mwen an epwe finita ngeni ewe wiis, pwan ew nein sochungio seni ew sukunen annuk mei accredited pwan mumuta an epwe practice annuk non ese nifinifin kinikinin nemenem ika pochokun, ika wor an experience non ukukun 8 ier ren an practice annuk ika angangen emon soukapung."

Tetten 2. Poputan Pochokunan. Ei Namopung epwe poputa pochokunan fansoun an a kapunguno me ren ewe Kepina, ika fansoun an a pusin winita annuk won pusin winikapan.

Annetata:


Datasi Albert
Legislative Chief Clerk
Truk State Legislature


Sain seni:


Kisande Sos, Speaker
Truk State Legislature

Pwinin maram:

2/24/84

A Kapunguno seni:


Erhart Aten, Governor
Truk State Government

Pwinin maram:

February 29, 1984